



UNIVERSITÄTS-
BIBLIOTHEK
PADERBORN

Provincia Veneta.

[urn:nbn:de:hbz:466:1-70132](https://nbn-resolving.org/urn:nbn:de:hbz:466:1-70132)



PROVINCIA VENETA.



HABVIT hæc Prouincia anno Domini
 1599. Socios 357. si 4. discipuli qui Ro-
 mæ student annumerentur, id est, 133.
 Sacerdotes, & Fratres 214. Ex his Præ-
 ceptores 38. discipuli 83. cum ijs qui do-
 cent: adiutores 112. qui omnes ita sunt
 in omnia Prouinciæ loca distributi. In domo Professa Ve-
 neta 37. Sacerdotes 21. discipuli 2. adiutores 15. In Pata-
 uino Collegio 59. id est, 13. Sacerdotes, quorum tres ma-
 gistri, discipulus vnus, præterea 19. discipuli, Adiutores
 17. Brixia 38. id est, 13. Sacerdotes; quorum 4. Magistri, &
 è Fratribus 3. magistri, discipuli 13. adiutores 9. Bononia
 27. id est Sacerdotes 14. è quibus vnus magister, alter di-
 scipulus: è fratribus 3. Magistri, discipuli 2. Adiutores 8.
 Ferrariæ 19. id est, Sacerdotes 8. quorum vnus magister,
 è Fratribus 3. Magistri, Adiutores 8. Verona 19. id est, Sa-
 cerdotes nouem, Magistri 3. Adiutores 7. Mantuæ 18. id
 est, Sacerdotes 10. quorum vnus magister, Fratrum 2.
 magistri, adiutores 6. Parmæ 29. id est, Sacerdotes 10. è
 quibus 4. magistri, & è fratribus magistri 2. Adiutores 8.

Placentiæ 18. id est, Sacerdotes 8. quorum vnus magister è fratribus 2. Magistri, adiutores 8. Mutinæ 14. Sacerdotes 6. magistri 2. adiutores 6. In Foroliuij 16. Sacerdotes 8. magistri 2. adiutores 6. Nouellarię 49. Sacerdotes 11. magister 1. discipuli tyrones 19. Adiutores 18. Vicentina in missione 4. Sacerdotes 2. adiutores 2. Quatuordecim hoc anno Societati nostræ aggregati sunt, Scholares 9. totidem adiutores.

MORTVI 6. Sacerdos vnus, Fratres 5. quorum vnus adiutor, cæteri Scholares. Sacerdos fuit Io. Maria Ballarinus Ferrariensis, annos 68. natus, tria vota professus, qui & confessarij, & procuratoris munera exercuit, Collegioque Ferrariensi tum religiosa diligentia, & industria multum profuit, tum etiam de suis bonis magna charitate impertitus est, nec mediocri sumptu ædificationem adiunxit. Paulus Tossinius item Ferrariensis, annum ætatis agens vigesimum nonum, qui recens quæstionum consciëntiæ cursum peregerat. Claudius Vernetius Aruerensis annos 30. natus, Theologiæ discipulus. Ioannes Valmarana Vicentinus, annum agens vnum & vigesimum, Philosophiæ studiosus. Bernardinus Munarius è Schio, in agro Vicentino annos 18. natus nouitius humaniorum litterarum studiosus. Franciscus Bonus Mediolanensis annum agens 51. adiutor temporalis formatus, qui socius fuit vnus è nostris patribus in Antiochena missione, vbi magnæ virtutis specimen dedit in grauissimis incommodis, ac manifestis vitæ periculis, quæ non tam propter rerum inopiam, quam propter gentium barbaram vim non semel adierunt.

DOMVS

DOMVS PROFES-
SA VENETA.

HIC mulier quædam non imi subsellij, quæ nouem annos in pellicatu vixerat, vnus è Nostris opera in matrimonium honestè collocata est: Quidam nostri Sacerdotis impulsu mulierem inopem, quam per triennium habuerat concubinam sine dote duxit vxorem, qui si parem sibi quæsisset optimam dotem sine dubio nactus esset. Confessiones multorum auditæ, qui multis annis confiteri omiserant. Mulier, quæ viro deserto quinquennium turpem quæstum fecerat, ad sanitatem, & ad virum, reducta.

PATAVINVM
COLLEGIVM.

RÆTOR, cui nomen Ioannes Cornelius vir in Venetorum Rep. primarius, in B. Virginis Sodalitatem cooptari voluit, quem cum Præfectus alijque multi conuenissent grates acturi, ac patronum potius adoptaturi. Is apertè denunciavit se tanquam vnum è gregalibus esse velle, quotque mensibus Sancti tutelaris, qui sibi sorte obtigerit, nomen deposuit. Regulas etiam charas habet, iamque ter Sodalitium inuisit. Vnus è sodalibus S. Benedicti familiam ingressus est. In templo maximo per æstatem, & Aduentum concionatus vnus è Nostris magno cum fructu, & approbatione omnium. Tres viri nobiles è cœno Hæresis, in

quo diu volutabantur Nostrorum opera emersere. Externus quidam iuuenis fortuito ingressus domum, vbi Sacerdos noster familiariter cum domesticis de Eucharistia loquebatur: tum coepit quæstiones ponere, responsa oppugnare, tamque acriter instare, vt dubitare potius quam disputare videretur: veruntamen sic ei Pater respondit, vt mutum, & elinguem reddiderit: Itaque sine mora discessit. Quindecim post dies Pater idem ad confessionem ægri iuuenis audiendam accersitus abijt, cum ille quisnam esset ignoraret, vbi pedem in cubiculum infert, quærit æger num se Pater agnoscat? statimque obortis lachrymis illum se dicit esse, qui superioribus diebus tam pertinaciter de Eucharistia esset altercatus, seque ob eam causam quarto post die diuinitus graui illo morbo, quo tum conflictabatur percussus: denique reconciliatus Ecclesiæ summa cum animi voluptate, & sacramentorum, quæ maxima religione, atque veneratione petierat, effectus particeps, obdormiuit in Domino. Vni ad religionis castra, quæ deseruerat reditum persuasit vnus è Nostris: alter qui deserere statuerat, P. Ignatii commentationibus retentus. Villa suburbana relaxandis Nostrorum animis hoc tandem anno coempta.

B R I X I A N V M C O L L E G I V M.

INC in aliquot loca magno cum fructu excursus est. In valle Canonica, quæ vna est totius agri Brixienfis latissimè patens, & frequentissima duo de nostris Sacerdotibus, per aliquot menses ita versati sunt, vt multa oppida obierint, in ijsque præter quotidianas penè Doctrinæ Christianæ exer

exercitationes, quibus ad pietatem rudioris illius gentis animos informarunt, non paucos in mutuam concordiam reduxerunt, veteribus odijs prorsus extinctis. Confessiones autem iam inde à prima ætate excepere ducentas.

ALBINI quidam à concubinæ consuetudine distractus, qua multos iam annos pro vxore flagitiosè utebatur. Clarij confessiones plurimorum audita. Nonnullæ restitutiones pecuniæ, & reconciliationes factæ.

C O L L E G I V M
BONONIENSE.

DVO hæresi exuta Christum induerunt: duo itidem Catholici, qui cum periculo fidei aliquot annos cum hæreticis versati sunt, in tutum reducti ut sacramenta per quindecim annos, & eo diutiùs intermissa resumerent, permulti ad concordiam, plurimi ad sanitatem mentis, ac vitæ probitatem Nostrorum ductu rediere. Aucta est etiam sacra supellex duobus argenteis calicibus oblatis, pensiliq̃ue lycnucho itidem argenteo aureorum 150. summę aræ illuminandę.

C O L L E G I V M
FERRARIENSE.

MVLIERCVLA per Nostros in conuersarum cœnobio collocata. Adstructa cubicula sex simul cum pergula. Collegio relictus fundus annuo centenum vicenum aureorum ve-

ctigali, cuius initium perfruendi fiet hoc anno insequenti.

V E R O N E N S E
C O L L E G I V M.



EMPLI frons ædificatur egregiè. Præsunt multi viri primarij, qui hoc anno aureos circiter bis mille corrogarunt. Nonnullæ meretrices in tutum poenitentia locum inclusæ: multi ab adulterio ad castitatem reuocati: concubinas alij, plerique peccandi occasiones missas fecere. Erectæ nuper Sodalitates duæ, vna ex officinarum dominis, quorum numerus, & pietas augetur in dies: altera ex hominibus inferioris ordinis, qui & hospitales ædes visitant, & piæ puerorum institutioni operam præstant. Duo fratres cum fratre per quadriennium turpiter dissidentes pacati.

M A N T V A N V M
C O L L E G I V M.



ILLVSTRISSIMVS Episcopus, qui Nostrorum opera, & consilio in omnibus rebus quæ nostri sunt instituti, lubentissimè vitur, Quinquagesimæ Dominico die in æde nostra cum de more sacrosancta Eucharistia propalam esset collocata, concionari dignatus est, ac populo bene precari. Serenissimi Ducis coniux, & soror nobis amicissimæ sunt, resque nostras ad meliora promoueri, & iniqua loquentium apud ipsam Ducein ora pro virili nituntur

tur obstruere, quare ab ipso Deo non parua in nos beneuolentię signa sunt data. Familię duplicis graue diffidium sublatum. Multi à cæde vel sui, vel coniugum, vel inimicorum ad peccati cædem auocati. Virgines quædam vel religioni sese addixerunt, vel in S. Ursulæ Societatem, quam hoc anno Serenissima Ferrariæ Princeps instituit, nostris auctoribus ingressæ. Cuidam hæresis labe contaminato scripta quædam de fide, ac pietate ad exscribendum data, religionis candorem reddidêre. Vir quidam religiosus è familia Franciscana diligenter à Patre nostro pijs commentationibus excultus, qui deinde Visitator Apostolicus, & Prouincialis in regiones Septentrionales profectus, quoscumque potuit è suis ad easdem spirituales exercitationes magno totius familiæ bono compulit, vel potius allexit.

C O L L E G I V M
P A R M E N S E.

NOBILIS vir multis à suis colonis affectus vulneribus, tandem recepta valetudine iniurias omnes monitu, ac rogatu Nostrorû, pœnasq; ab externo foro imminêtes remisit. Vxor item à zelotypo viro ad necem vulnerata, vt veniam illi daret à Nostris adducta est, & mox è corporis ergastulo foeliciter educta. Adolescentula tam grauer ægra vt medici diffident, nostri Sacerdotis, & Matris precibus, Patri Ignatio ingenti fiducia commendata conualuit. Scholæ superiores hoc anno Mathematicæ, Philosophiæ, ac Theologiæ Serenissimi Ducis liberalitate institutę sunt. Dux ipse nobis hoc nomine mille aureos attribuit: ciuitas autem domicilium ducentis aureis conduxit, quod
cum

cum media via^a disiunctum esset, ligneo ponte coniunctum est. Vno verbo præclare posita initia. Ad hæc Oratorium, vt vocant, in ipso Collegio conditum est, insigni frequentia, & fructu.

COLLEGIUM PLACENTINVM.



MOC anno 40. horarum supplicatio in templo nostro ante Cineralia instituta est, magno ciuitatis concursu, ac lætitia. Adfuit ipso primo die dominico & rem diuinam fecit Illustrissimus & Reuerendissimus Episcopus: ter item singulis hebdomadis Quadragesimæ per horam Christi Domini cruciatus partim sermunculis expositi, partim pia meditatione perpenſi, quod ventitanti præcipue nobilitati, & voluptatem attulit, & vtilitatem. Illud esto signi, quod familia quædam obtrectatorum maledictis à nobis alienata, templum nostrum, in quod antea pedem inferre volebat, frequentare cœpit. Virginum ex vndecim millibus quatuor capita, cum earundem minutioribus reliquijs tum Serenissimi Ducis Alexandri Farnesij, cuius lælix recordatio, tum etiam viri perillustris Leolazari Affaller arcis Placentinæ Præfecti liberalitate Collegio nostro donata sunt. S. Martini Pontificis festo die ex æde sumina, in quam altero ante die vesperi priuatim delata erant, in ædem nostram solemni pompa, summa totius Cleri, atque populi celebritate translata sunt. Cuidam eodem tempore ante sacras reliquias oranti Deus commouit memoriã illius versiculi, Fulgebunt iusti, &c. Is igitur dum æternum iustorum in cœlo fulgentium splendorem animo spectat, superioris vitæ pertæsus, melioris instituendæ

stituendæ consilium iniit, initium Poenitentiaæ sacramento confirmavit. Mille circiter aurei hoc anno in ædificationem Collegij ferè omnes perinsigni eiusdem, quem supra dixi Leolazari beneficentia expensi, qui quidem non modò præsentia pecunia: sed prope quotidiana præsentia vrget opus, & illius incrementis mirum in modum lætatur.

COLLEGIUM MVTINENSE.

ALIQVOT familias Nostri non solum à veteribus odijs, & inimicitijs, multosque à perniciosissimis cædibus abduxere, sed etiam ad frequentem sacramentorù vsum adduxere. Quædam præterea sacrarum Virginum cœnobita tum ad obsequendum pastori, tum ad sacra mysteria confessionis, & communionis octavo quoque die obeunda promouerunt. Spiritus sancti Sodalitium, quod per aliquot annos iacuerat, hoc anno rursus magno ardore excitatum est, & plurima, lectissimaque nobilitate adauctum, quod spiritualibus exercitationibus assiduo precandi studio, crebra sacramentorum vsurpatione, perdiligenter excolitur. Argentea pixis Eucharistiaæ seruandæ, plus 100. aureorum dicata.

DO

DOMVS PROBATIO-
NIS NOVELLA-
RIENSIS.



OSTRORVM vnus ad Mirandulæ Prin-
cipem ipsius rogatu missus, quo ille consilio-
rum, & rectè factorum duce utebatur, ea Pa-
tris commoratio dierum quinque supra
triginta plurimis profuit plurimum, multos pacavit,
multorum bonorum causa efficiens, malorum prohibens
fuit: exempli gratia quidam exul, quem Pater impen-
dentiâ mala prospiciens reuocandum curauit, cum do-
mum nostram adijisset, affirmauit Patrem ipsum extre-
mam à se, alijsque multis perniciem auertisse.

DE Foro Liuij nihil. Cætera communia, & vsitata.

PRO